

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 St 1223875 26 St  
Sarajevo, 08.06.2026. godine

Općinski sud u Sarajevu, stečajni sudija Nebojša Joksimović, u stečajnom postupku nad imovinom stečajnog dužnika WIND-NERETVA Društvo za elektroenergetske djelatnosti d.o.o. Sarajevo, ul Skenderpašina broj 20, Sarajevo, van ročišta dana 08.06.2026. godine donio je:

### **R J E Š E N J E**

Pokreće se prethodni postupak za utvrđivanje da li postoje uslovi za otvaranje stečajnog postupka nad privrednim subjektom WIND-NERETVA Društvo za elektroenergetske djelatnosti d.o.o. Sarajevo, ul Skenderpašina broj 20, Sarajevo

**Za privremenog stečajnog upravnika imenuje se Dedović Emina iz Sarajeva.**

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnika i provede neophodne radnje,
- utvrditi da li postoje razlozi i uslovi za otvaranje i vođenje stečajnog postupka,
- utvrditi imovinu stečajnog dužnika odnosno šta čini stečajnu masu,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje će biti istaknuto na oglasnoj tabli ovog suda sa danom donošenja.

Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj 65-01-0415-13 (stari broj 1-11087).

## *Obrazloženje*

Dana 28.04.2026. godine, ovome sudu podnijet je prijedlog za pokretanje stečajnog postupka nad imovinom WIND-NERETVA Društvo za elektroenergetske djelatnosti d.o.o. Sarajevo, ul Skenderpašina broj 20, Sarajevo.

U prijedlogu je navedeno da je kod društva WIND-NERETVA Društvo za elektroenergetske djelatnosti d.o.o. Sarajevo došlo do nemogućnosti plaćanja dospjelih obaveza prema povjeriocima, da je nastupila platežna nesposobnost uslijed koje društvo nije u mogućnosti izmiriti poreske obaveze, kreditne obaveze koje ima prema bankama i drugim povjeriocima, te da društvo ne može da posluje, te je predloženo otvaranje stečajnog postupka.

Na ročištu održanom dana 18.05.2026. godine radi saslušanja stečajnog dužnika, osnivač i zakonski zastupnik je izjavio da firma dugi niz godina ne posluje, da je on prijavljen na pola radnog vremena, da je firma nekada poslovala i da je na sebi imala koncesiju za HE, te da je banka prodala svoje potraživanje nekoj drugoj firmi. Firma koja je kupila potraživanja od banke je podnijela zahtjev Općini Konjic, te je Općinsko vijeće prenijelo koncesiju sa WIND-NERETVA na tu firmu koja je kupila potraživanje, pa je zbog društvo ostalo bez ikakve imovine. Izjavio je da su dugovanja cca 30.000,00 KM prema ranijim vlasnicima, te da se porezi nisu plaćali i da ne zna koliki je taj dug.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je stečajni dužnik uplatio predujam za pokriće troškova prethodnog postupka, sud je donio odluku kao u izreci, primjenom člana 61. Zakona o stečaju.

STEČAJNI SUDIJA

Nebojša Joksimović

POUKA: Protiv ovog rješenja žalba nije dozvoljena.